

इवनिंग डोगरी न्यूज़ बुलेटिन

समे .18:15 Hrs

एह आकाशवाणी जम्मू ऐ, संजा खबरें च तुंदा सुआगत, पैहलें खास-खास खबरें कन्नै में श्रुति खजूरिया।

<><><><><><>

Headlines

- 1 श्री अमरनाथ जी दी पवित्र गुफा लेई चलने आहली सालाना जातरा कल आधिकारिक तौरा पर बालटाल ते पैहलगाम राएं रवाना होग।
- 2 उपराज्यपाल मनोज सिन्हा होरें आखेआ ऐ जे श्री अमरनाथ जातरा आतंकवाद दे खलाफ इक आध्यात्मिक परता ऐ ते एह विकसित भारत दे निर्माण बक्खी इक सकारात्मक गैंs ऐ।
- 3 केंद्री मंत्री राजीव रंजन सिंह ते मुख्मन्त्री उमर अब्दुल्ला होरें पशुपालन मैहकमे दा जायजा लैता।
- 4 क्वाड मिम्बरें पहलगाम आतंकी हमले दी निंदेआ कीती ते एहदे खलाफ सख्त कार्रवाई दी हिमायत कीती।
- 5 जम्मू-कश्मीर सरकार नै प्रदेश च आई.टी पाक्स दी स्थापना लेई इक अध्ययन समूह दा गठन कीता।

<><><><><><>

Amarnath-Yatra

श्री अमरनाथ जातरा कल आधिकारिक तौरा पर बालटाल ते पहलगाम आहले रस्तेआं शुरू होग। उपराज्यपाल मनोज सिन्हा होरें अज्ज बड़लै जम्मू दे भगवती नगर बेस कैंप थमां भक्ते दे पैहले जत्थे गी झंडी दस्सियै रवाना कीता। कुल 5 ज्हार 892 श्रद्धालु घाटी आस्तै रवाना होई गे जिंदे चा 2 ज्हार 489 जातरी बालटाल आहले रस्ते ते 3 ज्हार 403 जातरी पहलगाम आहले रस्ते पवित्र गुफा बक्खी जातरा करडन। इंदे च 4 ज्हार 395 मर्द, 1 ज्हार 43 महिलाएं, 31 बच्चे, 335 साधु, 72 साध्वियां ते 16 ट्रांसजेंडर शामिल न। जम्मू थमां रवाना होने दे बाद श्री अमरनाथ जात्रुएं दा उधमपुर ते रामबन जिलें च बड़ी गर्मजोशी कन्नै सुआगत कीता गेआ। बनिहाल दे लैम्बर लेंगर थाहर पर उपमुख्मन्त्री होरें तीर्थ जात्रियें दा सुआगत कीता। इस मौके पर बोलदे होई उपमुख्मन्त्री होरें आखेआ।

कश्मीर पुज्जने पर दक्खन कश्मीर दे काजीगुंड दे कोल नवयुग टनल च तीर्थ जात्रियें दा बड़ी गर्मजोशी कन्नै सुआगत कीता गेआ। प्रशासन नै मकामी लोकं कन्नै मिलियै तीर्थ जात्रियें गी शुभकामनां दितियां। आकाशवाणी कन्नै गल्ल करदे होई तीर्थ जात्रियें अपनी खुशी जताई ते आखेआ।

<><><><><><>

LG-Article

लेफ्टिनेंट गवर्नर मनोज सिन्हा होरें आखेआ ऐ जे इस ब'रे दी श्री अमरनाथ जी दी जातरा, आतंकवाद दे खलाफ इक मजबूत बयान ऐ ते एह विकसित जम्मूकश्मीर ते विकसित भारत दे निर्माण बक्खी पुट्टी गेदी - इक बड्डी ते सकारात्मक गैह ऐ। एलजी होरें जम्मू थमां श्री अमरनाथ श्रद्धालुएं दे पैहले जत्थे गी घाटी रवाना करोआने दे मौके उप्पर सोशल मीडिया दी इक पोस्ट च लेख सांझा करदे होई एह गल्ल आखी ऐ। इस लेख च श्री सिन्हा होरें आखेआ ऐ जे पहलगाम आतंकी हमले दे मगरा, जम्मूकश्मीर दे जख्में गी भरने आहले - आध्यात्मिक उपचार दी लोड़ ऐ ते इयै भूमिका इस ब'रे दी श्री अमरनाथ जी दी जातरा निभा करदी ऐ। एलजी होरें इस जातरा दे आध्यात्मिक ते राश्ट्री महत्व पर लोऽ पाई ते आखेआ जे श्रद्धालुएं लेई इस जातरा गी सुरक्षित ते आरामदायक बनाने लेई बेहतरीन ढांचागत सुविधएं, असरदार निगरानी ते तगड़े सुरक्षा हीलें कीते गेदे न।

<><><><><><>

CM-Amarnath Greetings

मुख्यमंत्री उमर अब्दुल्ला होरें श्री अमरनाथ जी दी जातरा लेई तीर्थ जात्रियें गी शुभकामनां दितियां न। अपने इक सोशल मीडिया पोस्ट च उनें सब्बनैं तीर्थ जात्रियें लेई सुरक्षित ते शांतिपूर्ण जातरा दी प्रार्थना कीती ऐ। एह सलाना जातरा आध्यात्मिक ते सांस्कृतिक महत्व गी दर्शादी ऐ जेदे कारण हर बरे जहारां भक्त पवित्र गुफा च बाबा बर्फानी दे दर्शन करने लेई औंदे न।

<><><><><><>

CM-Milk Plant

केंद्री मंत्री राजीव रंजन सिंह ते मुखमंत्रि उमर अब्दुल्ला होरें अज्ज पशुपालन ते मच्छी पालन मैहकमे दे कम्मकाज दा जायजा लैता। बैठक दौरान उनें जम्मू दी सतवारी थाहर अल्ट्रा हाई टेम्परेचर मिल्क प्लांट दा उद्घाटन कीता। एहदा मकसद दुध प्रसंस्करण दी क्षमता गी बढ़ाना ते डेयरी उत्पादों दी म्याद गी बढ़ाना ऐ। एहदे कन्नै करसानें ते उपभोक्ता दौनें गी फायदा होग। इस जत्न गी अधिकारिणं डेयरी सैक्टर गी मजबूत करने आहली भेठा इक महत्वै आहली गेंs दस्सेआ। एहदे कन्नै प्रदेश दे ग्राएं च रौहने आहले लोकें दे जीवन च सुधार होग।

<><><><><><>

Ayushman-Cards

जनजातीय समुदायें लेई सेहत सेवाएं दी उपलब्धता होर बढ़ाने लेई इक मते महत्वै आहली गेंs दे तौरा पर धरती आबा जन भागीदारी अभियान तैहत 15 थमां 30 जून तगर देसैं च 4.9 लख आयुष्मान कार्ड जारी कीते गेन। इस बड़डे पैमाने पर अभियान दा मकसद जनजातीय समुदायें आस्तै माली सुरक्षा गी बढ़ाना ते चिकित्सा सेवाएं च सुधार करना ऐ जेदे कन्नै एह सुनिश्चित कीता जा जे उनेंगी बिना कुसै माली बोझ दे गुणवत्ता आहली सेहत दिक्खभाल हासल होऐ। एह पहलकदमी देसैं च समावेशी सेहत कवरेज ते सामाजिक कल्याण कार्यक्रमें राएं जनजातीय समुदायें गी सशक्त बनाने उप्पर केंद्रित ऐ।

<><><><><><>

ते हुन बाकि दिएं खबरें कन्नै श्रुति खजूरिया।

Quad-Pahalgam Attack

क्वाड मुख्खें, पहलगाम आतंकी हमले दा षडयंत्र रचने आहलें गी बिजन चिर लाए दे उं'दे अंजाम तोहड़ी पुजाने दी जरूरतें पर जोर पांदे होई संयुक्त राष्ट्र दे सदस्यें मुख्खें गी गुजारिश कीती ऐ जे ओह अंतर्राष्ट्री कानून ते संयुक्त राष्ट्र सुरक्षा काउंसल दे धेइये मूजब, एहदे लेई सैहयोग करन। इक सांझे बयान च भारत, अस्ट्रेलिया, जपान ते अमरीका दे बदेश मंत्रिणं अप्रैल गी होए दे पहलगाम आतंकी हमले दी सख्त निंदेआ करदे होई बन्ने-पारा 22 आहले आतंकवाद खलाफ तगड़ेयाई कन्नै कार्रवाई दी हिमायत कीती। क्वाड मुख्खें, हर चाल्ली दे आतंकवाद दी सख्त लफ्जें च निंदेआ करदे होई आपसी सैहयोग दी वचनबद्धता गी फही पक्का कीता ऐ।

<><><><><><>

जम्मू-कश्मीर सरकार नै प्रदेश च आई.टी पाकर्स दी स्थापना दी तपाश लेई इक अध्ययन समूह दा गठन करियै इस क्षेत्र दे तकनीकी क्षेत्र गी अगगे बदाने दी दिशा च इक्क मता महत्वै आहली गैs पुट्टी ऐ। इक एक्सपर्ट पैनल च आई.आई.टी जम्मू, आई.आई.एम जम्मू ते होरनें मुख संस्थाने दे वरिष्ठ अधिकारी ते माहिर शामिल न जेड़े पूरे भारत च प्रीमियर संस्थाने कन्ने जुड़े दे सफल आई.टी पाकर्स मॉडल दी जांच करडन। एह समूह संभावना दा आंकलन करोग, बुनियादी ढांचे ते नीतिगत ढांचे दी सिफारिश करोग ते 45 दिनें दे अंदर-अंदर इक विस्तृत रिपोर्ट पेश करोग जेदा मकसद जम्मू-कश्मीर च नवाचार, रोजगार ते आर्थिक विकास गी बढ़ावा देना ऐ।

<><><><><><>

Rajouri-Gastro

राजौरी दे धार सकरी ग्रांस च हाल च गै Gastroenteritis ते दस्त दे प्रकोप दे मगरा जिला प्रशासन नै सुरक्षा उपायें दे तौरा पर ग्रांस च पंज झरनें गी सील करी दिता ऐ। द'उं झरनें च E-coli bacteria पाजिटिव पाया गेआ ऐ जेदे कन्ने सेहत सरबन्धी गंभीर चैंता पैदा होई गई ऐ। ग्रांस दे लोके गी आखेआ गेआ ऐ जे ओह झरनें दे पानी दा इस्तेमाल करने थमां बचन ते शड़ा सुरक्षित ते साफ पानी दा इस्तेमाल करन। स्हाड़े संवाददाता दी इक रिपोर्ट।

<><><><><><>

Ramban JK Samadhan

जिला प्रशासन रामबन आसेआ नागरिके गी अपील कीती गई ऐ जे ओह जेके समाधान पोर्टल दा इस्तेमाल करन तां जे शकैतें या समस्याएं दा फौरी ते पारदर्शी ढंगे सिर हल होई सकै। इस पोर्टल राएं लोके असानी कन्ने पंजीकरण करोआई सकदे न। लोक अपनी समस्या या शकैत गी Samadhan.jk.gov.in पर दर्ज कराई सकदे न जां फी हेल्पलाइन नंबर 1905 राएं बी एह दर्ज कीती जाई सकदी ऐ। इस जत्न दा मकसद जम्मू-कश्मीर प्रशासन दे सरिस्ते गी होर बी मता जवाबदेह बनाना ऐ। प्रशासन नै लोके गी अपील कीती ऐ जे ओह एहदा बद्दोबद्द लाह ठोआन जे एहदे राएं लोके ते प्रशासन बश्कार बेहतर संपर्क कायम होग।

<><><><><><>

Kathua Light Show

कठुआ दा जिला प्रशासन अज्ज रातीं साढे 8 बजे कठुआ वाटर फ्रंट च इक भव्य विजुअल इवेंट “Spectacle of light-a multi theme laser show” दी मेजबानी करने लेई तैयार ऐ। इस शो च लाइट्स, संगीत ते विजुअल स्टोरी

ਟੇਲਿੰਗ ਦਾ ਜੀਵੰਤ ਪ੍ਰਦਰਸ਼ਨ ਕੀਤਾ ਜਾਗ ਜੇਡਾ ਦਿਖਣੇ ਆਹਲੈਂ ਗੀ ਇਕ ਅਨੌਖਾ ਅਨੁਭਵ ਪੇਸ਼ ਕਰੋਗ। ਜਿਲਾ ਪ੍ਰਸ਼ਾਸਨ ਨੈ ਇਸ ਕਾਰਜਕ੍ਰਮ ਚ ਐਨੇ ਦਾ ਸਾਰੈਂ ਗੀ ਖੁਲ੍ਹਾ ਸਾਦ੍ਦਾ ਦਿੱਤਾ ਏ। ਇਸ ਪਹਲਕਦਮੀ ਦਾ ਮਕਸਦ ਜਿਲੇ ਦੀ ਸਾਂਸਕ੍ਰਿਤਿਕ ਪੰਛਾਨ ਗੀ ਉਜਾਗਰ ਕਰਨਾ ਤੇ ਸਾਰਵਜਨਿਕ ਥਾਹਰੈਂ ਗੀ ਬਢਾਵਾ ਦੇਨਾ ਏ।

<><><><><><>

HADP-Reasi

ਟਿਕਾਊ ਬਾਗਵਾਨੀ ਪੂਰੇ ਜੰਮ੍ਹੂ-ਕਸ਼ਮੀਰ ਚ ਬਦਲਾਵ ਆਹੰਨਾ ਕਰਦੀ ਏ। ਏਹਦੇ ਕੰਨੈਂ ਕਰਸਾਨ ਉਚ੍ਹ ਪੈਦਾਵਾਰ ਆਹਲੇ ਫੈਸਲੇ ਰਾਏਂ ਅਪਨੀ ਆਮਦਨੀ ਚ ਬਾਦ੍ਦਾ ਕਰਾ ਕਰਦੇ ਨ। ਸਮਗ੍ਰ ਰਾਇ-ਬਾਇ ਵਿਕਾਸ ਕਾਰਜਕ੍ਰਮ, ਤਕਨੀਕੀ ਮਦਾਦ, ਗੁਣਵੱਤਾ ਆਹਲੇ ਬ੍ਰਹੱਟੇ ਦੀ ਸਾਮਗ੍ਰੀ ਤੇ ਬਜ਼ਾਰ ਤਗਰ ਪੁੱਛ ਪ੍ਰਦਾਨ ਕਰਦਾ ਏ ਜੇਦੇ ਕੰਨੈਂ ਆਰਥਿਕ ਵਿਕਾਸ ਤੇ ਪਰਿਆਵਰਣ ਸੰਤੁਲਨ ਦੌਨੈਂ ਗੀ ਬਢਾਵਾ ਦਿੱਤਾ ਜੰਦਾ ਏ। ਇਕ ਏਸੀ ਗੈਂ ਸਫਲਤਾ ਦੀ ਕਹਾਨੀ ਰਿਆਸੀ ਜਿਲੇ ਦੇ ਭਗਾ ਗ੍ਰਾਂਸ ਦੀ ਬਸਨੀਕ ਅਨੀਤਾ ਕੁਮਾਰੀ ਦੀ ਏ ਜਿਸਨੇ ਇਸ ਪੈਹਲਕਦਮੀ ਤੈਹਤ ਅੰਬ ਦੀ ਖੇਤੀ ਰਾਏਂ ਡੇਢ ਲੱਖ ਦੀ ਕਮਾਇ ਕੀਤੀ। ਆਕਾਸ਼ਵਾਣੀ ਕੰਨੈਂ ਗਲ਼ਬਾਤ ਕਰਦੇ ਹੋਇ ਅਨੀਤਾ ਕੁਮਾਰੀ ਹੋਰੈਂ ਆਖੇਆ।

<><><><><><>

News Read By : Shruti Khajuria and Pavan Verma

Composed by : Varinder Sharma

Editor : Abhilasha Sharma
